

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2022

Nd.6 Ng.15

Liggaeuq nyaemyzinz nienz ndwenngux cibcaet

Geizsoq: Gungh daih 3528 geiz

Siz Ginbingz Fak Saenq Cukhoh 《Daihgoengbauq》Cauhbanh 120 Hopbi

习近平致信祝贺《大公报》创刊 120 周年

Sinhvazse Yanghgangj 6 nyied 12 dienh Youq mwh 《Daihgoengbauq》cauhbanh 120 hopbi, Cunghung Cunghyangh cungsiuhgi, guekgua cujsiz, Cunghyangh Ginheij cujsiz Siz Ginbingz fak saenq daeuj cukhoh daengxcungq yenzgung.

Siz Ginbingz youq ndawsaenq naeuz, aen lai sigij doxdaeuj, 《Daihgoengbauq》dingmaenh gij banhbauq cunghcij “lumz ndanggaeuq dwg daih, fouzsei dwg naeuz goeng”, coenzvah vih goeng, faenzcieng bauq guek,

vih hwnqguh Cungguk moq, gajgwz hailangh caeuq hwnqguh yendaiva, vih Yanghgangj gvidauq guekcoj, baujmaenh onjdingh vuenghhoengh miz cozyung gaenxmaenx. Haeuj seizdaih moq, 《Daihgoengbauq》fangeiz ronghsien gangjok gij sing'yaem cingqmienh, gietcomz gij doxrox ndawbiengz, vih henhoh ndawbiengz onjdingh, demgya Yanghgangj caeuq diegndaw doxgyau, hawj simvunz gvidauq ok rengz hung.

Siz Ginbingz maqmuengh 《Daihgoengbauq》mbouj lumz goeknduj, fatyengz gyaez guek cienzoengj, laemxsim cauhoq hwngfat, mboujduenh gya'gvangq rengz cienzboq caeuq rengz yingyangj, vih “guek ndeu song aen cidu” hengzguh byaij onj daengz gyae, vih saedyienh aen loqsiengj Cunghvaz Minzcuz fukhwng hungmbwk raiz biencieng seizdaih engq gyaeunde.

Aen yizsiz angqhoh 《Daihgoengbauq》cauhbanh 120 hopbi 12 hau banringzgvaq youq Yanghgangj banh,

gwnz aen yizsiz doeg le fung saenq cukhoh Siz Ginbingz.

《Daihgoengbauq》1902 nienz 6 nyied 17 hau cauhsan, dwg faenh bauqceij Sawgun lizsij ceiq gyaeaez seizneix gwnz seiqgyaiq lij cingq fathengz. 2016 nienz caeuq Yanghgangj 《Faenzhoihbauq》gyonjgyoeb baenz Yanghgangj Dagungh Vwnzvei Konzmeiz Cizdonz le, gyavaiq yamqdin yungzhab hwngfat, guhbaenz le aen gwzgz cienzboq daengx meizdij laebdin Yanghgangj, coh Vazyinz daengx seiqgyaiq.

Cauhbingz: Fwn Gvaq Mbaet Caz

昭平: 雨后采夏茶

6 nyied 11 hau, youq suen caz Byadanaujsanhenz singz Cauhbingz Yen, boux ndaem caz cingq mbaet caz. Laebdaeb geij ngoenz doek fwn hung yingyangj boux ndaem caz mbaet caz lai. Vih gemjnoix sonjsaet, aen yienh neix miz haujai boux ndaem caz soemh fwn hwnj bya bae mbaet caz dauqma ganj dak bae gai. Aen yienh neix seizneix gungh miz suen caz 25 fanh lai moux. Ndaem caz baenz gij canjnieb dingjdaez hawj haujai vunz demsou.

(Vangz Yuzhuz ingj)



Gvangjsih Hainduj Guh Cawjciengz Hozdung Senhconz Langhbaiz Feihyiz “Ngoenz Vwnzva Caeuq Swhyienz Yizcanj”

“文化和自然遗产日”非遗宣传展示广西主场活动启动

6 nyied 11 hau dwg ngoenz vwnzva caeuq swhyienz yizcanj. Ngoenzhaenx, aen gaihmsiz hozdung hawsingz cawjciengz Gvangjsih senhconz langhbaiz feihyiz “ngoenz vwnzva caeuq swhyienz yizcanj” 2022 nienz caeuq aen yizsiz diemjrongh “ciet cawx huq feihyiz” Gvangjsih 2022 nienz youq Cunggcoj Si Daibingz Gujcwngz hainduj, hozdung cawjdaez dwg “lienziep ndwenngoenz daihneix, angjcuengq ronghsien yinx

vunz”, hozdung youz Swcigih Vwnzva Caeuq Lijyouzdingh, Cunggcoj Si Cwngfuj cawjbanh, Cunggcoj Si Vwnzva Caeuq Lijyouz Giz, Cunggcoj Si Gyanghcouh Gih Cwngfuj ciepbanh.

Baez cawjdaez hozdung neix gwnz sienq, laj sienq giethab guh. Hozdung cawjdaez ronghsien, neiyungz lai youh yinx, faen baenz hai aen hoih naenghdamz hong feihvuzciz vwnzva yizcanj Gvangjsih, aen yizsiz

hainduj, aen hozdung haw hoengh feihyiz Gvangjsih 2022 nienz, Cunggcoj yinxdaez langhbaiz doz feihvuzciz vwnzva yizcanj, langhbaiz doz cwngzgoj saenqhwng lajmbanj Gyanghcouh Gih, yawjngonz cwngzgoj saenqhwng lajmbanj Gyanghcouh Gih Sinhhoz Cin daengj roek aen banjgvai hozdung laj sienq caeuq gwnz sienq doxgaiq feihyiz cigboq daiq huq daengj hozdung youqgaenj, senhconz langhbaiz gij cwngzgoj youqgaenj

caeuq anqlaeh saedhengz maenhndei baujhoh cienzswnj feihyiz Gvangjsih geij bi neix doxdaeuj, doengzseiz senhconz 《Fap Feihvuzciz Vwnzva Yizcanj Cunghvaz Yinzminz Gunghozgoz》caeuq gvendaengz caizhag feihyiz, doidoengh caez yungh feihyiz swhyenx caeuq baujhoh cwngzgoj, iuheuh feihyiz yungzhaeuj ndwenngoenz, fugsah bekkingq, fugsah ndawbiengz.

(Cangh Denhyin)